

# No independence since 1917

استقلالنا ككنعانيين: قبل ١٤٨٥ ق.م؛ ١١٨٦ ← ٧٣٦ ق.م؛ ٦٣٦ ميلادي ← ١٠٩٩؛ ١٢٩٢ ← ١٣٨٢. استقلال مسلمي لبنان: ٦٣٦ ← ١٩١٧. غير هيك ما حدا استقلّ. استقلال = #يا\_فدرالية\_يا\_تقسيم\_#يا\_اتحادية\_يا\_تقسيم

توضيحًا للتواريخ وللمغزى،

من بزوغنا ككنعانيين حوالي ٣٥٠٠ ق.م. لسنة ال ١٤٨٥ ق.م، مرق علينا شي ١٣٣ سنة فقط مجموع احتلالات بين اكدّيين ومصاروي.

١٤٨٥ ل ١١٨٦: احتلال مصري وحثّي. (كلو باختصار).

بعدان رواق (مع بعض الاستثناءات) فدخل الاشوريين فالبابليين فالفرس فالإغريق فالرومان (والبيزنطيين بعد الانقسام الروماني) فالمسلمين سنة ٦٣٦ وخروج البيزنطيين.

الكنعانيين تحت تسمية موارنة / سريان / لبنانيين حافظوا على استقلالان بالجبل (يلي صيَح غير محتل لا من بيزنطيا ولا من المسلمين رغم انو صارت رقعتن تصغر بخسارتن للشوف وعاليه ووادي حمانا وعكار والضنية)، فكانوا مستقلّين (وغير خاضعين للذمية ولا للجزية) وأن محاصرين مخنوقين... لحد دخول الاحتلال الصليبي سنة ١٠٩٩... اكيد تنفّسوا مع الصليبيين رغم انو كان في صدامات، وعمليًا كانوا احتلال.

بخروج الصليبيين سنة ١٢٩٢، رجعوا محاصرين ولكن كمان مستقلّين (بظروف القاهرة مع المماليك البحرين) لحد ١٣٨٢.

سنة ١٣٨٢، قبلوا الاحتلال من المماليك البرجيين مقابل اعطاء الاخيرين الن الامتيازات: اذن فك الحصار ولكن لا تطبيق لأحكام الذمة ولا جزية.

الامتيازات يعني استقلال ذاتي وثقافي واجتماعي وديني (ودائمًا نسبي)، بس بالقانون (وماليًا) واداريًا هالشي ما اسمه استقلال. وهيك كفيّنا مع الدولة الاسلامية الموصوفة بالتركية / العثمانية.

وكمّان، بعد ١٩١٧، ما فينا نحكي عن استقلال بدخول الفرنسيين ولا ضمن دولة لبنان يلي دستورها مركزي، لان ارتباطنا بالمسلمين (والعكس) مش عاطينا استقلال بالتصرف كما نشاء. المارونية السياسية واي تصرف كما نشاء عمبكون بالقوة او بمنع المسلمين بأنو يتصرفوا مثل ما بدن بما اتيح لنا من خيارات مقاومة عسكرية او سياسية. هيدا مش استقلال.

كذلك الامر، المسلمين كانوا متسقلين من وقت دخول الى لبنان (اعتمدنا ٦٣٦ اي خسارة البيزنطيين بالمشرق) وضم قسم من لبنان الى الدولة الاسلامية يلي استمرت لسنة ١٩١٧ بلبنان، بدخول البريطانيين. اكيد كان الها اسامي مختلفة وفق عيلة الخليفة الحاكمة او إتنية الخليفة او اعتبارات اخرى (الراشدية / الاموية / العباسية / الفاطمية / المملوكية / التركية - العثمانية). [المماليك عمليًا دويلة عباسية]

وبعد ١٩١٧، نفس الحديث يلي حكيناه عن المسيحيين فوق ينطبق علين.

زيد فوق هول الخلافات المسلمة المذهبية بين سنة / شيعة / دروز وعلويين والخلافات المسلمة الإثنية (عرب / فرس / اكراد / اترك...)، ولكن هول امور داخل الامة المسلمة. وكمان عمبتكفن غالي، للأسف.

وهيدا كلو عدا انو دولة لبنان غير موجودة لتكون مستقلة، وكانت مستقلة لفترة وجيزة بالشكل من ال ٤٣ لل ٧٥، ضمن عدم استقلال الشعب اللبناني بناءً على ما ورد اعلاه، في خضم الصراعات يلي ما وقفت ولا نهار.